

HOLY CROSS ARMENIAN DAY SCHOOL
P.O. Box 2387, STATION "C"
DOWNSVIEW, ONTARIO. M3N 2V8

ՍՈՒՐՐ ԽԱԶ ԱՐԳԱՅԻՆ ԱՄԵՆՕՐԵԱՅ ՎԱՐԺԱՐԱՆ

ԹՈՐՈՆՏՕ

Շ Ր Զ Ա Ր Ե Ր Ա Կ Ա Ն

Սրտի անհուն զոհունակութեամբ կուգանք յայտարարել թէ, վերջին երկու տասնամեակներու կրնանք ըսել անխտիր ամէն թորոնթօյարնակ հայու երազը եղող ամենօրեայ հայ վարժարանի գաղափարը; բոլոր մը հայ անձնուէր ազգայիններու ջանքերովը այսօր իրագործուած է: Դպրոցը կնքուած է ՍՈՒՐՐ ԽԱԶ ԱՐԳԱՅԻՆ ԱՄԵՆՕՐԵԱՅ ՎԱՐԺԱՐԱՆ անունով: Բացման թուականը ճշդուած է Սեպտեմբեր 18-ի գուգադիպող երկուշաբթի օրը:

Դպրոցս հայ ծնողէ սերած կամ միայն մէկ շտաւիղի կողմէ Հայ ծագում ունեցող եւ կամ աւելի հեռուոր ազգականական կանգնելու հայ իրականութեան հետ առնչութիւն ունեցող ամէն Գանատացի եւ կամ Գանատայի մէջ օրինապէս բնակութիւն հաստատած տղոց համար բացուած է: Ան պիտի ունենայ առայժմ Մանկավարտէզի երկու եւ նախակրթարանի Առաջին դասարանները եւ պիտի առաջադրէ ամէն յջորդող տարիներուն մէկ դասարան եւս աւելցնել իր կարգերուն վրայ հասնելու մինչեւ վեցերորդ դասարան: Ոչ մէկ յարանուանական, հատուածական, կուսակցական կամ աշխարհահայեցողութեան տարբերութիւններ կրնան պատուար հանդիսանալ աշակերտներուն դպրոցի շարքերուն մէջ ընդունուելուն:

Դպրոցն մէջ պիտի կիրարկուի Օնթարիոյի կրթական նախարարութեան սահմանած ուսումնական ծրագիրը եւ դասաւանդութիւնները մշտնջենական կերպով պետական հակակշիռն ենթակայ պիտի մնան: Մեր նպատակն է հայ մանուկներուն ուսուցանել գանազան գիտելիքներու, Անգլերէնի եւ Ֆրանսերէնի արձններ, նաեւ ի մովնաւորի իրենց մայրենի լեզուն եւ գրականութիւնը, տալ իրենց քրիստոնէական դաստիարակութիւն, աւանդել իրենց հայոց պատմութիւնը, բացառիկ բժանդորութիւն ցոյց տալով որ մեր պատմութիւնը, մասնաւորաբար ինչ որ կը վերաբերի իր նորագոյն շրջաններուն, աւանդուի իրենց առաջ ունէ մէկ կուսակցական եւ կամ այլ աշխարհահայեցողութեան ազդեցութեամբ երանգաւորուած ըլլալու, այլ իր հարազատ եւ սոսկական իրականութեանը մէջ ու բացարձակապէս անկողմնակալօրէն: Մէկ խօսքով ամէն ջանք պիտի թափուի որ հայու գաւակը, կրթեալ, լաւ պատրաստուած եւ շնորհալի Գանատացի մը ըլլալու արձններ, պահենք իբր հայ իր ամբողջական առումովը, իր կեանքի առաջին եւ ամենակարեւոր տասնամեակին տեւողութեանը եւ անոր ջամբենք գիտակցութիւնը, սէրն ու յարգանքը հանդէպ իր ազգային ծագումին: Երբ մեզի զօրավիգ կանգնիք որ այս կարեւոր հիմք դնենք, այնուհետեւ ծնողները ազատ են անշուշտ, համաձայն իրենց անձնական նախասիրութեանց եւ համոզումներուն, շարունակել տալ իրենց գաւակներուն հայեցի դաստիարակութիւնը մինչ այդ, առաջ Աստուած, կազմակերպուած այլ հայկական հաստատութիւններու մականին ներքեւ:

Ուստի, վարժարանս կող կ'ընէ ձեզմէ իւրարանչիւրիդ, ամէն մէկուդ անխտիր որ ինքզինքը Հայ կը կոչէ կամ գէթ դեռ կը յիշէ թէ իր հայ մօրկանը կաթը խմած է, առանց որ կաշկանդուած զգար եթէ ձեր առաջին պարտաւորութիւնը մի գուցէ ըլլայ ի նպատակ ձեր պատկանած այս կամ այն կազմակերպութեան եւ կամ կուսակցութեան հովանաւորած ձեռնարկին, նաեւ բաջալեր հանդիսանալ այս դպրոցին որ մեզի պիտի տայ յառաջիկայ վեց տարիներուն հեռագետէ ընդարձակաճաւալ զեռին մը, ծաւալուն խարխիւներ,

որոնց վրայ այլ կազմակերպութիւններ պիտի կրնան հիմնել իրենց կոթողները: Այս վարժարանը պիտի ըլլայ ձեզմէ իւրաքանչիւրիդ, որ ըսել է ըուրոր հորոնթօ-հայութեան սեպհականութիւնը, եւ անոր հասցուցան հունձըրը, ձեր առաջայ ցանկութեանց եւ ծրագիրներուն առադըր պիտի կազմեն: Որով մենք կ'ապաւինինք մեզի համար մեծ արժէք ներկայացնող ձեր բարոյական խրախոյսին առնթեր նաեւ ձեզմէ իւրաքանչիւրիդ պիւտմէին ներած առաւելագոյն չափով նիւթական սրտաբուխ նուիրատուութիւններուն: Այսուհանդերձ, մեծատուններու իշխանական նուիրատուութիւններու հետ միասին կ'ընդունինք նաեւ այրի կնոջ լուման, հոգեկան նոյն յուզումներով: Երբ այսպիսով մենք մեզի կարենանք օգնել նկատելի չափով մը, մենք ամէն ջանք պիտի շինայենք ապրովելու ուրիշ բարե-սիրտ նուիրատուներ, դիմելով հայ եւ օտար բարենսյառակ կազմակերպութիւններու եւ հաստատութիւններու, յանձանցելու համար այս շատ դժուարին եւ սակայն ըուրոր հայերուս սրտին խօսող հայ ամենօրեայ դպրոցի կարիքները: Հանգանակիչ մարմնի ներկայացուցիչներ պիտի մօտենան ձեզի այս օրերուս. կը խնդրենք ի սրտէ եւ կոչ կ'ընենք անգամ մը եւս ձեր ազգասիրութեան, բաջալերելու իրենց ջանքերը ձեր առատաբուխ նուիրատուութիւններով:

Կեցցէ Հայ Ազգը յաւիտեան:

Ի դիմաց՝

ՍՈՒՐԲ ԽԱԶ ԱԳՅԱՅԻՆ ԱՄԵՆՕՐԵՒՅՑ ՎԱՐՃԱՐԱՆԻ
Հոգաբարձուիւնն

Առննադպիր՝
Պետրոս Մուշեան

Առննապետ՝
Տօրթ. Նուպար Ալնանար

Օգոստոս 30, 1978